

24 FEB 1997

DR MAHATHIR TIBA DI SEREMBAN UNTUK LAWATAN SEHARI

SEREMBAN, 24 Feb (Bernama) -- Perdana Menteri Datuk Seri Dr Mahathir Mohamad tiba di sini hari ini bagi lawatan kerja sehari.

Perdana Menteri yang diiringi isteri Datin Seri Dr Siti Hasmah Mohd Ali memulakan acara rasminya pagi ini dengan merasmikan Kompleks Elektronik Samsung Seremban di kawasan perindustrian Tuanku Ja'afar, Sungai Gadut dekat sini.

Beliau kemudian akan diraikan pada jamuan tengah hari di Allson Klana Resort yang turut disertai pemimpin politik dan masyarakat negeri ini.

Dr Mahathir juga dijangka merasmikan Pusat Haemodialisis Mawar berharga RM6 juta di Jalan Rasah di sini pada pukul 3 petang. Pusat itu mampu menempatkan 100 mesin haemodialisis.

Pada sebelah malam pula, Perdana Menteri dijadual menghadiri majlis jamuan perdana di Padang NS di sini.

Pada majlis itu, para penderma akan menyampaikan sumbangan untuk Tabung Pusat Haemodialisis Mawar. -- BERNAMA

RAB FAZ